



硯貽堂侍直草





侍直草題詞

分題麗正張道濟夙工臺閣之篇應制昆明宋延
清早冠雲霄之製而况學原鹿洞共推璧水宗工
文重鳳池

特簡鑿坡侍從門趨金馬花影乍移漏靜銅龍珮聲旋
響追隨左掖圖書彩煥
宮霞供奉西清翰墨香分

殿霧誦

聖製于九重天上奉和則憂玉縱金瞻

御書于五色雲中恭紀則引商刻羽題拈古句擬議難
工章出新裁推敲獨妙瀛臺試罷大官傾蘭葉之
觴

秘省頒來太史捧松花之硯莫不賡揚盛事歌詠
殊恩彌彰承

旨之清華益富直廬之著作蓋由際右文之

聖主羣思黼黻

皇猷兼以稱博雅之仙才允堪鼓吹詞苑釐爲一卷約
有多篇爰示鄙人并徵小序職膺中秘親

宸幄以維勤身屬近臣知

天顏之有喜巨山千言立就宮中之鳳紙爭求孝綽片
語遙傳海外之鷄林紛購肯

康熙癸未重九日同里年弟王思軾拜題



國家置翰苑以儲侍俊才設館師以教習吉士玉
堂晝永鈴索聲閒咿唔几席之間無不口吻生花
筆端垂露積日累月都爲一集流傳于禁籞馳播
于鷄林斯固詞垣之故事而當世之所謂極榮者
矣若乃操觚

秘殿之旁濡毫

黼座之側尚方給箋紙大官供酒饌分題自

天詩成進

御如置身于霄漢傳盛事于人間又豈非千載一時之

遇其殊榮異數較之瀛洲課試不更什伯千萬也
耶蓋惟我

皇上崇儒重道稽古右文萬幾餘暇時親翰墨命詞臣
更番入直以備顧問用是燃藜珥筆之彥咸皆沐
滋

聖化踔厲激昂不惜雕肝腎抉秘竒以仰邀

至尊之擊賞詢稱文運之極隆天地昌明之一候也余
同年魯少司成以西江之名士爲玉署之清流強
記多聞才情爛熳若噴珠之湧地若劍光之射天

橫溢照灼不可遏抑入試

內廷蒙

天語褒美退而日課一詩每得中禁題目撚鬚搖膝吟
咏不休久而成編題曰侍直草余見其鍊詞必鏗
鏘足以發金石命意必纏綿足以感神人卓然盛
世之元音非徒駢枝儷葉以聯綴爲工者也夫幸
遇

聖天子在上以文學倡道諸臣而又有如少司成者精
勤著述以襄文治雖比諸虞廷之賡揚拜手周室

之天保作歌可也于以鼓吹休明黼黻隆盛何有
哉今君得請假且行矣俸餘不足以辦嚴前捧
賜書後携襪被行李蕭然都人士方頌君之清風高節
余獨以爲郵亭夜靜奚囊光怪熊熊然燭寒空而
照屋壁者必是編也已海寧年弟陳元龍拜題



硯貽堂詩鈔

國子監司業前翰林院檢討臣魯瑗

侍直草

夏日

內廷應制

禁籞風薰化日長曉隨鷓鴣鷺肅趨踰瞻雲近識

天顏霽拜手新沾

御墨香奏對微誠依

黼座

恩榮異數溢瓊漿小臣醉飽歡何極載筆還歌湛露章

賦得西園翰墨林應制

璇宮傳玉漏稽拜集冠裳載筆承

綸綍聯班肅對揚

聖人崇道統圖史煥奎光萬卷非言富百家詎可當雲

霞披

寶冊星日爛

金章東觀英華選西清琬琰張

天顏承咫尺臣職愧賡颺共荷

甄陶久居稽矢不忘

賦得膏雨潤公田應制

周原芳綠草沾灑遍甘霖膩葉深無迹津莖滿不

侵天和滋綺陌膏澤渥平林野祝豐亨日桑麻萬

畝陰

賦得紫禁朱櫻出上闌應制限五微

含桃初薦奪晴暉朱實離離露未晞儼若紛披呈

錦綺還疑錯落散珠璣中涵渥澤凝甘液外被

恩光出

禁闈赤玉盤中森列宿繁星欲點侍臣衣

賦得金蓮花應

制限八齊

塞漠來嘉種金蓮重品題幽香朝露潔正色曉雲
齊低幹邀青眼移根濯紫泥含英依

秘閣未許雜花堤

賦得崇文聊駐輦應

制限十六銑

聖學本高深一心含萬善稽古列圖書三墳並五典大
道唐虞接微言洙泗衍文教炳日星奏對清華選

侍從擁班行瞻雲依

鳳輦

賜坐榮錦茵亭午花陰轉筆札

給尚方

御墨溶香篆半豹未能窺繁蕪詎云剪承
綸切悚惶驅策慚駑蹇何以荅

聖明邁征還自勉

賦得衣露淨琴張應

制限五微

太平徵瑞露五色映

彤闈玉液香浮掌珠光細點衣雲和聲欲動
宮漏聽偏微

恭已垂裳日虞琴手自揮

恭讀

御製覽貞觀政要詩應

制限二蕭

聖治追三五豈惟貞觀朝

懋勤超往代

淵鑑裕中宵敷藻雲霞麗同文日月昭
賡揚臣有志
珥筆愧虫雕

恭讀

御製時巡近郊憫農事有作應

制限八齊

時巡先

輦下軫念在蒼黎稼穡通民隱憂勞入

御題

皇情周綠野

睿藻照青藜拜手披

宸翰天高未可梯

恭讀

御製懋勤殿讀尚書至無逸篇有作應

制限五微

我

皇臻上理無逸凜宵衣聖哲羹墻見典謨

黼座輝敷詞標往訓鑒古重民依捧讀

天章後臣心矢不違

恭讀

御製詠觀天儀器詩應

制限九階

帝德同蒼昊萬方仰泰階星辰森玉宇儀象列天街造

化通

宸念詠歌洽

聖懷微臣欣捧讀競奏八音諧

聖駕夏日閱視河堤應

制限六魚

因時籌

國計所重在漕渠岸柳森龍仗河堤駐

鳳輿

一人咨碩畫三策綜全書飛輓紓民力功成薄補苴

恭讀

御製宮門聽政示閣部諸臣應

制限六麻

一日萬幾集

清宮渙白麻調元勩

聖治分職佐

王家

天語傳金殿

奎章蔚絳霞微涓知莫補侍從厠英華

恭讀

御製詠史詩應

制限十灰

紛披

睿藻自天開讀史親將

御筆裁沕穆

皇風咸五帝高深

聖學貫三才參稽往代垂良法翊贊鴻猷屬上台捧讀

宸章標日月小臣珥筆愧追陪

渾天儀應

制限十蒸

天形渾穆渺難憑八尺園中定準繩五緯森羅分

隱現兩儀旋轉辨升恒心涵造化通元始氣集休

嘉啟瑞徵

聖德高深符帝載微臣窺管愧無能

賦得虛心高節雪霜中應

制限十二文

亭亭聳翠自離羣修竹嫵娟近水濱祇抱虛心常
映月但存高節可干雲凌霜獨許標青色傲雪偏
宜挹紫氛布影

彤庭存素質孤貞原不競芳芬

讀朱子文集恭賦應

制限十四寒

紫陽扶正學匪獨擅詞壇歷聖叅微旨諸家綜大
觀淵源接孔孟醇粹邁歐韓

昭代崇文教千秋誌不刊

賦得駐輦華林側應

制限十三覃

化日常瞻北薰風已自南

皇情通悅豫別館得幽探載筆雲霄近承

恩雨露覃

鸞輿臨幸處萬象自包函

御試瀛臺

賜宴恭紀

一官榮侍從奉

詔到瀛洲畫舫迎風動上命駕舟而入

青荷逐浪浮水光生潑灑花氣足清幽

殿閣凌虛矗松槐夾道稠承

綸心已肅

給饌禮殊優辰刻賜飯

帝重西清選班聯東觀儔追隨通曲徑覽眺忽平疇

勤政知無逸勤政殿名綏豐兆有秋豐澤園名

頒題崇正學作賦厠風流上命論理學真偽並賦豐澤園列坐環

金鏡銘

恩醉玉甌午刻賜酒臣心依

黼座

天語出龍樓午餘奏對御前異數真難並微涓愧莫酬

硯貽堂詩鈔

國子監司業前翰林院檢討臣魯瑗

侍直續草

南書房侍直敬觀

御書恭紀

爛熳

奎章玉案陳自

天捧出墨華新銀鈎鐵畫鋒彌斂鳳舞鸞翔態有神八
體縱橫森矩矱百家陶鑄運洪鈞追隨

紫禁欣瞻仰拜

賜還思逮小臣

保和殿

御賜臨董絹幅恭紀

朝常奉

詔喜追隨

寶翰頒來下玉墀中使傳宣

天語重微臣分捧

御書遲行間不露臨摹迹

殿上偏疎稽拜儀叨沐

恩光真浩蕩塵埃自遠寸心期

附

御賜臨董詩

樓閣山中起浮雲天際來登臨思往事瀟灑遠塵埃

冬雪

天上同雲密瓊花點綴時寒光凝

紫極素影襯

彤墀瑞啟豐年兆祥開景運熙太和在宇宙萬彙含

華滋

賦得世間不但山中好

乾坤俯仰盡塵寰帶雪披雲任往還分韻吟花常
永日讀書鍵戶即深山寸心得失思前事名教綱
維凜大閑自幸有生逢

盛世敢違素志托蕭閒

賦得梅須遜雪三分白

獨坐澄懷觀物理冰心玉骨透寒光舞風片片清
如許繞砌亭亭澹不粧尚有三分勞擬議渾然一

色辨微茫緇塵不染留真性雪裡孤梅動暗香
賦得曠然塵慮清

觸景天真在曠然見此心雲烟如寫意花月欲披
襟竊念羹墻近常懷師保臨靜中塵累遠何必入
山深

賦得內正外自直

校射集羣英穿楊四座驚立心原不競與世更何
爭君子風猶在端人志可盟張弓雖小技觀德重
平生

賦得芳氣有無中

花間時散步芳氣近階隅澹澹風光好疎疎月影
俱似離還似即非有亦非無西蜀留仙品寫生屬
大儒

賦得歲寒堅後凋

天心原愛物萬類托生全獨有松筠質不爭桃李
妍凌霜森翠黛傲雪挺貞堅識得因材意寧云大
造偏

賦得神清洗俗氛

悠然空萬念何處著纖塵潔可融冰雪清堪傲竹
筠虛中常照物靜氣自迎人明月光如洗澄懷露
性真

賦得清節依然潔

霜後森寒玉孤清憶此君迎風標勁直貯雪點續
紛碧影侵堦秀瑤枝入坐分雖無尋丈勢高潔映
層雲

賦得細看佳句轉驚人

綠水青山老故人十年離緒寫陽春朗吟已覺詩

無敵密詠方知句有神靜向花間追往事閒從月下想天真忘形相對情何盡仰挹清標洗俗塵賦得虛明覺處真

有覺神常定靜中考驗精澄懷觀本始應物絕將迎金鏡當空照冰壺徹底清天真何處得全體湛虛明

恭和

御製詠鴈詩

碧落虛無際摩雲渺去鴻一聲凌衆鳥嘹唳下天

風

賦得天行一何健

天德本行健無言四序成化工雖默運物象自森呈正位弘參贊體元頌

聖明微臣窺管識歌詠太階平

敬讀

御製詩恭紀

玉管

親題寶墨新政餘歌詠洽天真格超兩漢高難並氣益

三唐鈔入神五字包涵書萬卷一心默運腕千鈞
微臣不盡賡颺志願得年年侍

聖人

南書房

賜硯恭紀


奎文炳蔚等天球硯捧松花

異數稱拜

賜瞻雲依

玉案紀

恩向日賦螭頭希珍彩並千秋鑑什襲光生百尺樓家
有青箱昭世守堂開綠野重貽謀



P1

才望授國子司業六館之被教者人人樂以爲師今
忽以展祭請假余留之不得且出其 侍直草並遂
初吟屬余序言于以見先生從容館閣素志不違今
雖未出朝廬而已追逐雲月緬想烟巒其志不誠高
哉第恐蠟屐方濃鶴書早發一如歐陽公歸潁雖專
且決必俟諸大叅之後則 侍直諸草與遂初一吟
方且鼓鐘天下而遽能徜徉于泉石間乎

年家眷弟石門吳涵頓首拜撰



Large, faint watermark characters, possibly reading '石月堂' (Shiyue Hall).

